

失覆蔭爲外兄孔氏所養年七歲讀書再覽能誦鄉鄰嗟異至年十二出家神性聰敏而形貌甚陋不爲師之所重驅役田舍至于三年執勤就勞曾無怨色篤性精進齋戒無闕數歲之後方啓師求經師與辯意經一卷可五千言安賚經入田因息就覽暮歸以經還師更求餘者師曰昨經未讀今復求耶荅曰即已聞誦師雖異之而未信也復與成具光明經一卷減一万言賚之如初暮復還師師執經覆之不差一字師大驚嗟而敬異之後爲受具戒恣其遊學至鄴入中寺遇佛圖澄澄見而嗟嘆與語終日衆見形貌不稱咸共

汰俱憩飛龍山沙門僧先道護已在彼山相見欣然乃共披文屬思妙出神情安後於太行恒山創立寺塔改服從化者中分河北時武邑太守盧叡聞安清秀使沙門敏見苦要之安辭不獲免乃受請開講名實既符道俗欣慕至年四十五復還冀部住受都寺徒衆數百常宣化石虎死彭城王嗣立遣中使竺昌蒲請安入華林園廣修房舍安以石氏之未國運襄危乃西適牽口山迄冉閔之亂人情蕭索安乃謂其衆曰今天災旱蝗寇賊縱橫聚則不立散則不可遂復率衆入王屋女林山頃之復渡河依陸渾山栖木食修學通八

輕怪澄曰此人遠識非余儕也因事澄爲師澄講安每覆述衆未之愜咸言須待後次當難殺崑崙子即安後更覆講疑難鋒起安挫銳解紛行有餘力時人語曰漆道人驚四憐法汰詣楊州曰彼多君子好尚風流法和入蜀山水可以修閑安與弟子慧遠等四百餘人渡河夜行值雷雨乘電光而進前行得人

家見門裏有二馬柳之間懸一馬鏡可容一
解安便呼林伯升主人驚出果姓林名伯升
謂是神人厚相接待既而弟子問何以知其
姓字安曰兩木爲林鏡容伯升也既達襄陽
復宣佛法初經出已久而舊譯時謬致使深
義隱沒未通每至講說唯叙大意轉讀而已
安窮覽經典鉤深致遠其所注般若道行密
迹安般諸經並尋文比句爲起盡之義及併
疑甄解凡二十二卷序致淵富妙盡深旨條
貫既敘文理會通經義克明自安始也自漢
魏迄晉經來稍多而傳經之人名字弗說後
人追尋莫測年代安乃揔集名目表其時人
詮品新舊撰爲經錄衆經有據實由其功四
方學士競往師之時征西將軍桓朗子鎮江
陵要安暫往朱序西鎮復請還襄陽安以白
馬寺狹乃更立寺名曰檀溪即清河張殷宅
也大富長者並和贊助建塔五層起房四百
涼州刺史楊弘忠送銅萬斤擬爲承露盤安

通

三

曰露盤已託汰公營造欲迴此銅鑄像事可
然乎忠欣而敬諾於是衆共抽捨助成佛像
光相丈六神好明著安旣大願果成謂言夕
死可矣符堅遣使送外國金箔倚像高七尺
又金坐像結珠弥勒像金繡繡像纖成像各
一尊每講會法聚輒羅列尊像布置幢幡珠
珮迭暉烟華亂發使夫升階履闈者莫不肅
焉盡敬矣有一外國銅像形製古異時衆不
甚恭重安曰像形相致佳但髻形未稱令弟
子爐冶其髻旣而光炎煥炳耀滿一堂詳視
髻中見一舍利衆咸愧服安曰像旣盡異不
煩復治乃止識者咸謂安知有舍利故出以
示衆時襄陽習鑿齒鋒辯天逸籠翠當時其
先藉安高名早已致書通好曰承應真履正
明白內融慈訓所兼照道俗齊蔭自大教東
流四百餘年雖蕃王居士時有奉者而真丹
宿訓先行上世道運時遷俗未僉悟自頃道
業之隆咸無以匹所謂月光將出靈鉢應降

法師任當洪範化洽深幽此方諸僧咸有思慕各願慶雲東徂摩尼迴曜一躡七寶之座暫現明哲之燈兩甘露於豐草植栴檀於江湄則如來之教復崇於今日玄波溢漾重蕩於一代矣文多不悉載及聞安至止即往修造既坐稱言四海習鑿齒安曰弥天釋道安

時人以爲名答齒後餉梨十枚正值衆食便手自剖分梨盡人遍無參差者高平郗超遣使遺米千斛修書累紙深致慤懃安答書云捐米千斛弥覺有待之爲煩習鑿齒書與謝安書云來此見釋道安故是遠勝非常道士師徒數百齋講不倦無變化技術可以惑常人之耳目無重威大勢可以整群小之參差而師徒肅肅自相尊敬洋洋濟濟乃是吾由來所未見其人理懷簡衷多所博涉内外群書略皆遍覩陰陽筭數亦皆能通佛經妙義故所遊刃作義乃似法簡法道恨足下不同日而見其亦每言思得一叙其爲時賢所重

通八

四

類皆然也安在樊沔十五載每歲常再講放光般若未嘗廢闕晉孝武皇帝承風欽德遣使通問并有詔曰安法師器識倫通風韻標朗居道訓俗徽績兼著豈直規濟當今方乃陶津來世俸給一同王公物出所在時符堅素聞安名每云襄陽有釋道安足神器方欲致之以輔朕躬後遺符不南攻襄陽安與朱序俱獲於堅堅謂僕射權翼曰朕以十万之師取襄陽唯得一人半翼曰誰耶堅曰安公一人習鑿齒半人也既至住長安五重寺僧衆數千大弘法化初魏晉沙門依師爲姓故姓各不同安以爲大師之本莫尊釋迦乃以釋命氏後獲增一阿含果稱四河入海無復河名四姓爲沙門皆稱釋種旣懸與經符遂爲永式安外涉群書善爲文章長安中衣冠子弟爲詩賦者皆依附致譽時藍田縣得一大鼎容二十七斛邊有篆銘人莫能識乃以示安安云此古篆書云魯襄公所鑄乃寫爲

餘文又有人持一銅斛於市賣之其形正圓
下向爲斗橫梁昂者爲升陔者爲合梁一頭
爲籥籥同黃鍾容半合邊有篆銘堅以問安
安云此王莽自言出自舜皇龍戊辰改正即
真以同律量布之四方欲小大器鈞令天下
取平焉其多聞廣識如此堅勑學士內外有

通五

疑皆師於安故京兆爲之語曰學不師安義
不中難初堅承石氏之亂至是民戶殷富四
方略定東極滄海西併龜茲南苞襄陽北盡
沙漠唯建業一隅未能抗伏堅每與侍臣談
話未嘗不欲平一江左以晉帝爲僕射謝安
爲侍中堅弟平陽公融及朝臣石越原紹等
並切諫終不能迴衆以安爲堅所信敬乃共
請曰主上將有事東南公何能不爲蒼生致
一言耶會堅出東苑命安升輦同載僕射權
翼諫曰臣聞天子法駕侍中陪乘道安毀形
寧可參廁堅勃然作色曰安公道德可尊朕
以天下不易輿輦之榮未稱其德即勑僕射

扶安登輦俄而顧謂安曰朕將與公南遊吳
越整六師而巡狩涉會稽以觀滄海不亦樂
乎安對曰陛下應天御世有八州之富居中
土而制四海宜栖神無爲與堯舜比隆今欲
以百萬之師求厥田下下之土且東南區地
地卑氣厲昔舜禹遊而不反秦王適而不歸
以貧道觀之非愚心所同也平陽公懿戚石
越重臣並謂不可猶尚見距貧道輕淺言必
不允旣荷厚遇故盡丹誠耳堅曰非爲地不
廣民不足治也將簡天心明大運所在耳順
時巡狩亦著前典若如來言則帝王無省方
之文平安曰若鑾駕必動可先幸洛陽枕威
蓄銳傳檄江南如其不服伐之未晚堅不從
遣平陽公融等精銳二十五萬爲前鋒堅躬
率步騎六十萬到頃晉遣征虜將軍謝石徐
州刺史謝玄距之堅前軍大潰於八公山西
晉軍逐北三十餘里死者相枕融馬倒殞首
堅單騎而遁如所諫焉安常注諸經恐不合

理乃誓曰若所說不甚遠理願見瑞相乃夢見梵道人頭白眉毛長語安云君所注經殊合道理我不得入泥洹住在西域當相助弘通可時時設食後十誦律至遠公乃知和上所夢賓頭盧也於是立座飯之處處成則安既德爲物宗學兼三藏所制僧尼軌範佛法通八

憲章條爲三例一曰行香定座上經上講之法二曰常日六時行道飲食唱時法三曰布薩差使悔過等法天下寺舍遂則而從之安每與弟子法遇等於彌勒前立誓願生兜率後至秦建元二十一年正月二十七日忽有異僧形甚庸陋來寺寄宿寺房旣窄處之講堂時維那直殿夜見此僧從窓隙出入遽以白安安驚起禮訊問其來意答云相爲而來安曰自惟罪深詎可度脫彼答云甚可度耳然須更浴聖僧情願必果具示浴法安請問來生所之處彼乃以手虛撥天之西北即見雲開備觀兜率妙勝之報尔夕大衆數十人

悉皆同見安後營浴具見有非常小兒伴侶數十來入寺戲須臾就浴果是聖應也至其年二月八日忽告衆曰吾當去矣是日齋畢無疾而卒葬城內五級寺中是歲晉太元十年也未終之前隱士王嘉往候安安曰世事如此行將及人相與去乎嘉曰誠如所言師且前行僕有小債未了不得俱去及姚萇之得長安也嘉時故在城內萇與苻登相持甚父萇乃問嘉朕當得登不答曰略得萇怒曰得當言得何略之有遂斬之此嘉所謂負債者也萇死後其子興方殺登興字子略即嘉所謂略得者也嘉字子年洛陽人也形貌鄙通八

陋似若不足本滑稽好語笑然不食五穀清虛服氣人咸宗而事之往問善惡嘉隨而應答語則可笑狀如調戲辭似識記不可領解事過多驗初養徒於加眉谷中苻堅遣大鴻臚徵不就及堅將欲南征遣問休否嘉無所言乃乘使者馬佯向東行數百步因落靴帽

解棄衣服奔馬而還以示堅壽春之敗其先見如此及姚萇正害嘉之日有人於隴上見之乃遣書於長安之潛契神人皆此類也安先聞羅什在西國思共講析每勸堅取之什亦遠聞安風謂是東方聖人恒遙而禮之初安生而便左臂有一皮廣寸許著臂持可得

上下也唯不得出手時人謂之爲印手菩薩安終後十六年什公方至什恨不相見悲恨無極安旣篤好經典志在宣法所請外國沙門僧伽提婆曇摩難提及僧伽跋澄等譯出衆經百餘万言常與沙門法和詮定音字詳覈文旨新出衆經於是獲正孫綽爲名德沙

有在何懼後生若慧心不萌斯可悲矣後與安公詳定新經參正文義頃之僞晉王姚緒請往蒲坂講說其後少時勑語弟子俗網煩惱苦累非一乃正衣服繞佛禮拜還坐本處以衣蒙頭奄然而卒時年八十矣

竺僧朗京兆人少而遊方問道長安還關中

通八

明論自云釋道安博物多才通經名理又爲之讚曰物有廣贍人固多宰淵淵釋安專能兼倍飛聲汧龍馳名淮海形雖草化猶若常在有別記云河北別有竺道安與釋道安齊名謂習鑿齒致書於竺道安道安本隨師姓竺後改爲釋世見其二姓因謂爲兩人謬矣

釋法和滎陽人也少與安公同學以恭讓知名善能標明論總解悟疑滯因石氏之亂率徒入蜀巴漢之士慕德成群聞襄陽陷沒自蜀入關住陽平寺後於金輿谷設會與安公共登山嶺極目周睇既而悲曰此山高聳遊望者多一從此化竟測何之安曰法師持心

專當講說嘗與數人同共赴請行至中途忽告同輩曰君等寺中衣物似有竊者如言即反果有盜焉由其相語故得無失朗蔬食布衣志耽人外以僞秦皇始元年移卜太山與隱士張忠爲林下之契每共遊處忠後爲符堅所徵行至華陰山而卒朗乃於金輿谷崑

峯山中別立精舍猶是太山西北之一巖也
峯岫高險水石宏壯朗創築房室製窮山美
內外屋宇數十餘區聞風而造者百有餘人
朗孜孜訓誘勞不告倦秦主符堅欽其德素
遣使覲遺堅後沙汰衆僧乃別詔曰朗法師
戒德冰霜學徒清秀崑崙一山不在搜例及
秦姚興亦加歎重燕主慕容德欽朗名行給
以二縣租稅其爲時人所敬如此此谷中舊
多虎災人常執仗結群而行及朗居之猛獸
歸伏晨行夜往道俗無滯百姓嗟嗟稱善無
極故奉高人至今猶呼金輿谷爲朗公谷也
凡有來詣朗者人數多少未至一日輒已逆
知使弟子爲具飲食必如言果至莫不歎其
有預見之明矣後卒於山中春秋八十有五
時太山復有支僧敦者本冀州人少遊汎壘
長歷荆雍妙通大乘兼善數論者人物始義
論亦行於世

竺法汰東莞人少與道安同學雖才辯不逮

通

九

而姿貌過之與道安避難行至新野安分張
徒衆命汰下京臨別謂安曰法師儀軌西北
下座弘敷東南江湖道術此焉相忘矣至於
高會淨國當期之歲寒耳於是分手泣涕而
別乃與弟子曇壹曇二等四十餘人汎涉東
下遇疾停陽口時桓溫鎮荊州遣使要過供
事湯藥安公又遣弟子慧遠下荆問疾汰疾
小愈詣溫溫欲共汰叉語先對諸賓未及前
汰既疾勢未歇不堪久坐乃乘輿歷廂迴
出相聞與溫曰風痰忽發不堪久語比當更
造溫忽忽起出接輿循焉汰形長八尺風姿
可觀含吐蘊籍辭若蘭芳時沙門道恒頗有
才力常執心無義大行荆土汰曰此是邪說
應須破之乃大集名僧令弟子曇壹難之據
經引理析駁紛紜恒援其口辯不肯受屈日
色既暮明日更集慧遠就席攻難數番責
鋒起恒自覺義途差異神色微動麈尾扣案
未即有答遠日不疾而速杼袖何爲坐者皆

笑心無之義於此而息汰下都止瓦官寺晉太宗簡文皇帝深相敬重請講放光經開題大會帝親臨幸王侯公卿莫不畢集汰形解過人流名四遠開講之日黑白觀聽士庶成群及諮稟門徒以次駢席三吳負表至者千數瓦官寺本是河內山玩墓王公爲陶處晉與寧中沙門慧力啓乞爲寺止有堂塔而已及汰居之更拓房宇修立衆業又起重門以可地勢汝南世子司馬綜第去寺近遂侵掘寺側重門淪陷汰不介懷綜乃感悟躬往悔謝汰卧與相見傍若無人領軍王洽東亭王珣太傅謝安並欽敬無極臨亡數日忽覺不愈乃語弟子吾將去矣以晉太元十二年卒春秋六十有八烈宗孝武詔曰汰法師道播八方澤流後襄奄尔喪逝痛貫于懷可賛錢十萬喪事所須隨由備辦孫綽爲之讚曰淒風拂林鳴絃映壑爽爽法汰校德無忤汰弟子曇壹曇二並博練經義又善老易風流趣

通八

十

好與慧遠齊名曇二少卒汰哭之慟曰天喪回也汰所著義疏并與郗超書論本無義皆行於母或有言曰汰是安公弟子者非也

釋僧光冀州人常山淵公弟子性純素有貞操爲沙弥時與道安相遇於逆旅安時亦未受具戒因共披陳志慕神氣慷慨臨別相謂曰若俱長大勿忘同遊光受戒已後厲行精苦學通經論值石氏之亂隱於飛龍山遊想巖壑得志禪慧道安後復從之相會欣喜謂昔誓始從因共披文屬思新悟尤多安曰先舊格義於理多違光曰且當分耕逍遙何容是非先達安曰弘贊理教宜令允懶法鼓競鳴何先何後光乃與安汰等南遊晉平講道弘化後還襄陽遇疾而卒又有沙門道護亦冀州人貞節有慧解亦隱飛龍山與安等相遇乃共言曰居靜離俗每欲匡正大法豈可獨步山門使法輪輶軫宜各隨力所被以報佛恩衆僧行之

竺僧輔鄴人也少持戒行執志貞苦學通諸論兼善經法道振伊洛一都宗事值西晉飢亂輔與釋道安等隱于濩澤研精辯析洞盡幽微後憩荊州上明寺單蔬自節禮懺翹勸誓生堯率仰瞻慈氏時瑯琊王忱爲荊州刺史藉輔真素請爲戒師一門宗奉後未亡二

達八十一

日忽云明日當去至于臨終妙香滿室梵響

相係道俗奔波來者萬數是日後分無疾而化春秋六十因葬寺中僧爲起塔

竺僧敷未詳氏族學通衆經尤善放光及道行波若西晉末亂移居江左止京師瓦官寺盛開講席建業舊僧莫不推服時同寺沙門道嵩亦才解相次與道安書云敷公研微秀發非吾等所及也時異學之徒咸謂心神有形但妙於万物隨其能言互相摧壓敷乃著神無形論以有形便有數有數則有盡神既無盡故知無形矣時狀辯之徒紛紜交諍既理有所歸慨然信服後又著放光道行等義

疏後終於寺中春秋七十餘矣竺法汰與道安書云每憶敷上人周旋如昨逝沒奄復多年與其清談之日未嘗不相憶思得與君共覆疏其美豈圖一旦永爲異世痛恨之深何能忘情其義理所得披尋之功信難可圖矣汰與安書數述敷義今推尋失其文製湮沒

可悲

釋曇翼姓姚羌人也或云冀州人年十六出家事安公爲師少以律行見稱學通三藏爲門人所推經遊蜀郡刺史毛璩深重之爲設中食躬自贍奉見翼於飯中得一粒穀先取食之璩密以敬異知必不妄信施後餉米千斛翼受而分施翼嘗隨安在檀溪寺晉長沙大守滕含之於江陵捨宅爲寺告安求一僧爲摠領安謂翼曰荆楚士庶始欲師宗成其化者非尔而誰翼遂杖錫南征縕構寺宇即長沙寺是也後互賊越逸侵掠漢南江陵閩境避難上明翼又於彼立寺群寇旣蕩復還

江陵修復長沙寺丹誠祈請遂感舍利盛以金瓶置于齋座翼乃頂禮立誓曰若必是金剛餘陰願放光明至乎中夜有五色光彩從瓶漸出照滿一堂舉眾驚嗟莫不挹翼神感當于余時雖復富蘭等見亦迴偽歸真也後入巴陵君山伐木山海經所謂洞庭山也山

通八

十二

上有穴通吳之苞山山既靈異人甚憚之翼率人入山路值白蛇數十卧遮行轍翼退還所住遙請山靈爲其禮懾乃謂神曰吾造寺伐木幸願共爲功德夜即夢見神人告翼曰法師旣爲三寶須用特相隨喜但莫令餘人妄有所伐明日更往路甚清夷於是伐木訖流而下其中伐人不免私竊還至寺上翼持已畢餘人所私之者悉爲官所取其誠感如此翼常歎寺立僧足而形像尚少阿育王所造容儀神瑞皆多布在諸方何其無感不能招致乃專精懇惻請求誠應以晉木元十九年甲午之歲二月八日忽有一像現于城北

光相衝天時白馬寺僧衆先往迎接不能令動翼乃往祗禮謂衆人曰當是阿育王像降我長沙寺焉即令弟子三人捧接飄然而起迎還本寺道俗奔赴車馬轟填後罽賓禪師僧伽難陀從蜀下入寺禮拜見像光上有梵字便曰是阿育王像何時來此時人聞者方

知翼之不謬年八十二而終終日像圓光奄然靈化莫知所之道俗咸謂翼之通感焉時長沙寺復有僧衛沙門學業甚著爲殷仲堪所重尤善十住乃爲之注解

釋法遇不知何許人弱年好學篤志墳素而任性誇誕謂傍若無人後與安公相值忽然

通八

十三

信伏遂投簪許道事安爲師旣沐玄化悟解非常折挫本心謙虛成德義陽太守阮保聞風欽慕遙結善友脩書通好施遺相接後襄陽被寇遇乃避地東下止江陵長沙寺講說衆經受業者四百餘人時一僧飲酒廢火燒香遇止罰而不遣安公遙聞之以竹筒盛一

荊子手自緘封題以寄遇遇開封見杖即曰此由飲酒僧也我訓領不勲遠貽憂賜即命維那鳴槌集衆以杖筒置香燈上行香畢遇乃起出衆前向筒致敬於是伏地命維那行杖三下內杖筒中垂淚自責時境內道俗莫不歎息因之厲業者甚衆既而與慧遠書曰吾人微闇短不能率衆和上雖隔在異域猶遠垂憂念吾罪深矣後卒於江陵春秋六十矣

釋曇徽河內人年十二投道安出家安尚其神彩且令讀書二三年中學兼經史十六方許剃髮於是專務佛理鏡測幽凝未及立年

釋曇戒一名慧精姓卓南陽人晉外兵郎棘便能講說雖志業高素而以恭推見重後隨安在襄陽符丕冠境乃東下荊州正上明寺每法輪一轉則黑白奔波常顧解有所從乃圖寫安形存念禮拜於是江陵士女咸西向致敬印手菩薩或問法師道化何如和上微笑曰和上內行深淺未易可測外緣所被多諸

通八

十四

釋曇戒一名慧精姓卓南陽人晉外兵郎棘陽令潛之弟也居貧務學遊心墳典後聞于法道講放光經乃借衣一聽遂深悟佛理廢俗從道伏事安公爲師博通三藏誦經五十餘万言常日禮五百拜佛晉臨川王甚知重後篤疾常誦彌勒佛名不輟口弟子智生侍

應驗在吾一涼寧比江海耶以晉太元二十一年卒臨亡之日體無餘患上堂同衆中食因而告別食竟還房右脇而化春秋七十三矣著立本論九篇六識旨歸十二首並行於世釋道立不知何許人少出家事安公爲師善放光經又以莊老三玄微應佛理頗亦屬意焉性澄靜不涉當世後隨安入關隱覆舟山巖居獨立不受供養每潛思入禪輒七日不起如此者數矣後夏初忽出山鳩集衆僧自爲講大品經或問其故答云我止可至秋爲欲令所懷粗訖耳自恣後數日果無疾而終時人謂知命者矣

疾問何不願生安養戒曰吾與和上等八人同願生兜率和上及道願等皆已往生吾未得去是故有願耳言畢即有光照于身容貌更悅遂奄奄遷化春秋七十仍葬安公墓右竺法曠姓皇下邳人寓居吳興早失二親事後母以孝聞家貧無蓄常躬耕壟畔以供色養及母亡行喪盡禮服闋出家事沙門竺曠印爲師印明徽有道行曠師事竭誠迄受具戒栖風立操卓爾殊群履素安業志行淵深印嘗疾病危篤曠乃七日七夜祈誠禮懺至第七日忽見五色光明照印房尸印如覺有人以手撫之所苦遂愈後辭師遠遊廣尋經要還止於潛青山石室每以法華爲會三之旨無量壽爲淨土之因常吟詠二部有衆則講獨處則誦謝安爲吳興守故往展敬而山栖幽阻車不通轍於是解駕山棲陵峯步往晉簡文皇帝遣堂邑太守曲安遠詔問起居并諮以妖星請曠爲力曠答詔曰昔宋景修

通八

十五

福妖星移次陞下光輔已來政刑允輯天下任重萬機事殷失之毫釐差以千里唯當勤修德政以賽天譴貧道必當盡誠上荅正恐有心無力耳乃與弟子齋懺有頃災滅晉興寧中東遊禹穴觀矚山水始投若耶之孤潭欲依巖傍嶺栖閑養志鄰超謝慶緒並結交塵外時東土多遇疫疾曠旣少習慈悲兼善神呪遂遊行村里拯救危急乃出色止昌原寺百姓疾者多祈之致効有見鬼者言曠之行住常有鬼神數十衛其前後時沙門竺道隣造無量壽像曠乃率其有緣起立大殿相傳云伐木遇早曠呪令至水晉孝武帝欽承風聞要請出京事以師禮止于長干寺元興元年卒春秋七十有六散騎常侍顧愷之爲作讚傳云竺道壹姓陸吳人也少出家真正有學業而晦迹隱智人莫能知與之父處方悟其神出鄭鄉王珣兄弟深加敬事晉太和中出都止

瓦官寺從汰公受學數年之中思徹端深講
傾都邑然有弟子曇壹亦雅有風操時人呼
曇壹爲大壹道壹爲小壹名德相繼爲時論
所宗晉簡文皇帝深所知重及帝崩汰死壹
乃還東止虎丘山學徒苦留不止乃令丹揚
尹移壹還都壹答尹曰蓋聞大道之行嘉遁
得肆其志唐虞之盛逸民不奪其性弘方由
於有外致遠待而不踐大晉光熙德被無外
崇禮佛法弘長彌大是以殊域之人不遠萬
里被褐振錫洋溢天邑皆割愛棄欲洗心清
玄遐期曠世故道深常隱志存慈救故遊不
滯方自東徂西唯道是務雖萬物感其日計
而識者悟其歲功今若責其屬籍同役編戶
恐遊方之士望崖於聖世輕舉之徒卓長往
而不反虧盛明之風有謬主相之旨且荒服
之賓無關天臺幽藪之人不書王府幸以時
審讞詳而後集也壹於是閑居幽阜晦影窮
谷時若耶山有帛道猷者本姓馮山陰人少

通八

十六

以篇贊著稱性率素好丘壑一吟一詠有濠
上之風與道壹經有講筵之遇後與壹書云
始得優遊山林之下縱心孔釋之書觸興爲
詩陵峯採藥服餌蠲痼樂有餘也但不與足
下同日以此爲恨耳因有詩曰連峯數千里
脩林帶平津雲過遠山翳風至梗荒榛茅茨
隱不見鷄鳴知有人閑步踐其逕處處見遺
薪始知百代下故有上皇民而壹得書旣有
契心抱乃東適耶溪與道猷相會定於林下
於是縱情塵外以經書自娛頃之郡守瑯琊
王薈於邑西起嘉祥寺以壹之風德高遠請
居僧首壹乃抽六物遺於寺造金牒千像壹
旣博通內外又律行清嚴故四遠僧尼咸依
附諮詢時人号曰九州都維那後暫往吳之
虎丘山以晉隆安中遇疾而卒即葬於山南
春秋七十有一矣孫綽爲之讚曰馳辭說言
因緣不虛惟茲壹公綽然有餘譬若春圃載
芬載譽條被猗蔚枝幹森疎壹弟子道寶姓

張亦吳人聰慧夙成尤善席上張彭祖王秀琰皆見推崇並著莫逆之交焉

釋慧虔姓皇甫北地人也少出家奉持戒行
志操確然憩廬山十有餘年道俗有業志勝
途者莫不屬慕風彩羅什新出諸經虔志存
數顯宣揚德教以遠公在山足紹振玄風虔

乃東遊吳越贍地弘通以晉義熙之初投山
陰嘉祥寺克已導物苦自身率衆凡諸新經皆
書寫講說修持五載忽然得病寢疾少時自
知必盡乃屬想安養祈誠觀音山陰北寺有
淨嚴尼宿德有戒行夜夢見觀世音從西郭
門入清暉妙狀光映日月幢幡華蓋皆以七
寶莊嚴見便作禮問曰不審大士今何所之
答云往嘉祥寺迎虔公因爾無常當時疾雖
綿篤而神色平平如有恒日侍者咸聞異香
久之乃歇虔既自審必終又覩瑞相道俗聞
見咸生歡喜焉

高僧傳卷第五

通入

填上凡萌反
下車擊香橙下都鄧反
上也臯音高下邳悲反
地音遇寄也音缺關音缺允輯下音集毫釐下力譴
名奉現反也終也愷口改譏詳上魚列反篇讀下音讀之反譴
責也蠲上俱玄反除也醫一又語展反計上所今反森下色魚反踈讀

蠲病

確然

反堅也

高僧傳卷第五

十八末

通八

通九

高僧傳卷第六

撰

乙

義解三

釋慧遠一

梁會稽嘉祥寺沙門慧皎

釋慧持二

釋慧永三

釋僧濟四

釋法安五

釋慧持六

釋道祖七

釋僧䂮八

釋慧持九

釋曇影十

釋僧叡十一

釋道恒十二

釋僧肇十三

釋慧遠本姓賈氏鴈門樓煥人也弱而好書

珪璋秀發年十三隨舅令狐氏遊學許洛故

少爲諸生博綜六經尤善莊老性度弘偉風鑒朗拔雖宿儒英達莫不服其深致年二十欲度江東就范宣子共契值石虎已死中原寇亂南路阻塞志不獲從時沙門釋道安立寺於太行恒山弘讚像法聲甚著聞遠遂往歸之一面盡敬以爲真吾師也後聞安講波若經豁然而悟乃歎曰儒道九流皆糠粃耳便與弟慧持投簪落髮委命受業旣入乎道屬然不群常欲揔攝綱維以大法爲已任精思諷持以夜續晝貧旅無資縕纊常闋而昆弟恪恭終始不懈有沙門曇翼每給以燈燭之費安公聞而喜曰道士誠知人矣遠籍慧解於前因發勝心於曠劫故能神明英越機鑒遐深安公常歎曰使道流東國其在遠乎年二十四便就講說嘗有客聽講難實相義往復移時彌增疑昧遠乃引莊子義爲連類於惑者曉然是後安公特聽慧遠不廢俗書安有弟子法遇曇翼皆夙才照灼志業清